

# Communicaziun a las medias BCG

## BCG sustegna la gruppia regionala Grischun da la sclerosa multipla cun 10'000 francs

Cuira, ils 21 da december 2015 – En il num da sias collavuraturas e da ses collavurats dat la Banca Chantunala Grischuna (BCG) or da ses fond da contribuziun 10'000 francs a la gruppia regionala Grischun da la Societad svizra da la sclerosa multipla. Questa accziun d'advent da la banca ha gi lieu gia per l'otgavla giada.

En il rom da l'acziun d'advent annuala dattan las collavuraturas ed ils collavurats da la Banca Chantunala Grischuna quest onn per l'otgavla giada ina contribuziun ad in'organisaziun d'utilitad publica. Ins ha tschernì la gruppia regionala Grischun da la multipla sclerosa. Ella obtegna 10'000 francs or dal fond da contribuziun BCG.

«Nus ans legrain fitg dal sustegn generus da la BCG e da la renconuschientscha e stima per nossa lavur demussada uschia», declera la presidenta Trudi Bass a chaschun da la surdada dal schec en la sedia regionala da la BCG a Glion. La gruppia regionala Grischun fa part da la Societad svizra da la sclerosa multipla. Quella sustegna la gruppia regionala activamain en sia lavur a favur da personas pertutgadas da la sclerosa multipla en il Chantun. L'organisaziun – ella festivescha l'auter onn il giubileum da 35 onns – è il post da contact per personas pertutgadas da la sclerosa multipla e per lur confamigliars. Ella s'occupa da lur quitads e basegns e vul pussibilitar contacts tranter personas pertutgadas per surmuntar uschia l'isolaziun. Quai vegn fatg en il rom d'occurrências quietas, patgificas ed allegras che porschan a las personas pertutgadas qualidad da viver. Purschidas vegnan per exempel era gruppas da nudar e da discussiun.

Cun ses fond da contribuziun conferma la Banca Chantunala Grischuna sia attaschadadad a la regiun e surpiglia responsabladad sociala. Ella promova e sustegna cun dus milliuns francs ad onn projects betg commercials en e per il Grischun sin ils secturs da la cultura, da l'utilitad publica, dal sport, da l'economia e dal turissem sco era da la vita sociala. Il 2015 èn quai stads 566 projects. Ulteriuras infurmaziuns: [gruppia regionala Grischun da la sclerosa multipla](#) e [fond da contribuziun BCG](#).

### Contact per collavurats da medias:

Banca Chantunala Grischuna, Medias & Investor Relations, Chascha postal, 7002 Cuira  
Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11  
Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universal moderna – per personas privatas, l'economia ed il maun public. La banca occupa 1'053 collavuraturas e collavurats (stadi dals 30-06-2015). En il chantun Grischun cun sias numerusas vals e pliras linguas, è l'interpresa represchentada cun 62 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaquint semestral preschenta ella cun ina summa da bilantscha da CHF 22,696 milliardas in gudogn brut consolidà da CHF 98,5 milliuns. Il scrit da participaziun BCG è quots a la bursa dapi ils 10 da settember 1985.

#### Termins

Quint annual 2015:	12 da favrer 2016
Radunanza dals participants:	19 da mars 2016
Rendaquint semestral 2016:	29 da fanadur 2016